

CANTI DI CAPRI

A cura di Aniello Langella

2011



www.vesuvioweb.com

CANTI POPOLARI

CAPRI

Beata chella Capra
Che fece tale Agniello,
Che lo Conte de Manoppiello
E' tenunto a levarse lu cappiello.

✽

Ammore m' ha ridutto a chist' eccesso
Ammore mi el porta nella fossa,
Amo na figliolella e lo confesso
E p' essa so rimasto pella e ossa.

✽

E' bella quanno cose e quanno tessa
So belli i panni che li stanno addossa,
Tene gli occhi de na principessa
La faccia nun è picciola nè grossa:
Se la vedite quanno va a la messa
Me pare na fiorita spicadossa!

✽


Quanno la tortorella se scompagna
La si scompagna pe nu malo luoco,
Poi se ne va a nascusa ncampagna
Votta suspire e lacreme de fuoco;
Male a chi perde la prima compagna
Chè perde e spasse, lu piacere e o gioco!

✽

Le femmine a dommeneca so belle
Nun vanne a messa si nu so lavate,
Se mettono a lu canto de li vie
Pe dare la bongiorno a e nnamorate,
Passa lu nnamurato e dice addio
Cu acqua e' Paraviso ti si lavate.

✽

Quanno a la sera le scappò lu pianta
Le scappò in mezzo e nnanze a tutt'a gente
Allora u zito ci passò pe nante
Cu na parola la fece cuntente:
< io t'aggio fatto nu lietto galante
Addò ci passa o fiesco de ponente,
Te ti eucche int'o lietto e io accanto
Ce li facimmo li suonne cuntente.
Quanno po la matina ne aizamme
Nce dammo nu bongiorno pe ciant'anne.





CUSTANTINA

Versi e musica di G. B. de Curtis

DUETTO

1.

- D. Si vù campà felice viene a Capri
Addò nascette Ammore e mo nce regna,
Tù chiamme a Custantina e chella t'apre
E schiure o Paraviso nnanz'a te!
- U. Ah Custantina bella
Custanza io nun ne tengo,
A Capre io nun nce vengo
Me perdo nnanze a te!

2.

- D. Si st'ie malate viene a Quisisana
Serena tene tutto o bene e Dio,
Si nun te calma, nce mette io na mana
E nu carizzo mio te fa sanà!
- U. Ah Custantina bella
Custanza io nun ne tengo,
Si a Capre, io mo nce vengo
Io cade nnanze a te!

3.

- D. Quanto si capriccioso e apprennetive
Io sola te capisco e nisciuna ata,
Io m'arricordo addò tu me vulive
Si vù sta grotta azzurra, io sto aspettà!
- U. Ah Custantina bella
Quanto me fais cuntento,
Nun trico nu mumento
Io corro mbraccio a tè!

ANACAPRI

Songo venuto da lontano sito
Tirato dalla vostra nominata,
Aggio trovato chiù ca nun se dice
Cielo, che bella giovane aggarbata.
Stu nomme doce a Vuie chi ve l'ha miso
In quale libro l'avite studiato,
Bella, si vù saperlo, io mo t'ho dico:
Chist'uoecchie tueie, m'hanno affatturato!



Chi si ha da pigliare a figliema Carmela
Lu cielo cu li mane ha da tuccare.
Doppo cinc'anne da la morte mia
Chi vò Carmela, se la po pigliare!



Iere vedette la Calavresella
Purtava l'acqua, chella simpatia,
Io me votale a di: quanto si bella
Na veppeta de st'acqua vularria.

Essa me rispunnette aggraziata:
Nun solò l'acqua, la persona mia
Ma sta attiento nun rompere a langella
Si no, me da e mazzate, mamma mia,
« Io se la rompo te la faccio nova
Spennò e denare de la vorza mia,
« Io nun la voglio nè nova nè vecchia
A voglio, sana sta langella mia.

GROTTA AZZURRA

Versi di P. Cinquegrana

Musica di E. di Capua

1.

Ncimm'a stu mare chino de brillante
Che fa cantà d'ammore a tutte quante,
Te voglio fa vedè, si tu nce viene,
A casa addò s'addormene e Sserene.

Chella è na grotta tutta turchina
Comme so st'occhie che tiene, oinè;
È lu ncantesemo de sta marina
O mare e Napule fa stravedè!

2.

E guardia a chella grotta ncè na Fata
Ca t'addimanne si tu si nnammurata,
Si tu t'acale e dice: Sissignore
Te fa trasi, si no vaie nfunno e muore.

Chella è na grotta, ecc.

3.

Sta rarità la veneno a vedere
A ciento, a ciento, artiste e furastiere,
Iammoce pure nule cu 'e nnammurate
Nc' avimmo da spassà chiù meglio e l'ate.

Chella è na grotta, ecc.

4.

Guardannola da fora nun s'apprezza
Ma quanne trase a dinto, uh che bellezas,
E' tale e quale a te, cimm'a d'ammore
Che dice no c'a vocca, e si c'o core.

Chella è na grotta, ecc.



www.vesuvioweb.com

2011

info@vesuvioweb.com



Testi tratti da

Manfredi Fasulo , Ignazio Cerio

L'isola di Capri: Istoria - usi e costumi - antichità -topografia - canti ... (1906